



UNIVERSITÄTS-
BIBLIOTHEK
PADERBORN

Universitätsbibliothek Paderborn

Von dem Ordentlichen beruff der Priester vnd Prediger

Franck, Caspar

Jngolstatt, 1571

VD16 F 2059

Warhaftige erzehlung/ wie Caspar Franck Ortrandus &c. Durch Apostolische
vnd Bischofliche gewalt/ ordenlicher weiß zum Priesterlichen standt
kommen/ vnd seinen beruff oder vocation von Christo dem ...

urn:nbn:de:hbz:466:1-35516

Warhaftige er-
 zelung / wie Caspar Franck
 Ortrandus &c. Durch Apostolische
 vnd Bischofliche gewalt / ordenlicher
 weiß zum Priesterlichen standt kom-
 men / vnd seinen beruff oder voca-
 tion von Christo dem Herrn
 selbst bis auff sich durch die
 ordenliche Succession
 beweisen kan.

S	7.	Alexander
G	8.	Sixtus
L	9.	Thelesphor ⁹
E	10.	Higinus
D	11.	Pius
D	12.	Anicetus
E	13.	Sother
D	14.	Eleutherius
E	15.	Victor
D		Zephe-

Von der ordenlichen

- | | |
|-----------------|--------------------|
| 14. Zepherinus | 37. Damasus |
| 15. Calistus | 38. Siricius alias |
| 16. Urbanus | Ursinus |
| 17. Pontianus | 39. Anastasius |
| 18. Antherus | 40. Innocentius. |
| 19. Fabianus | 41. Zozinus |
| 20. Cornelius | 42. Bonifacius |
| 21. Lucius | 43. Cælestinus |
| 22. Stephanus | 44. Sixtus 3. |
| 23. Sixtus 2. | 45. Leo |
| 24. Dionysius | 46. Hilarius |
| 25. Fælix | 47. Simplicius. |
| 26. Eutichianus | alias supici? |
| 27. Gaius | 48. Fælix 3. |
| 28. Marcellinus | 49. Gelasius. |
| 29. Marcellus | 50. Anastasius. 2. |
| 30. Eusebius | 51. Symmachus. |
| 31. Melchiades | 52. Hormisda. |
| 32. Syluester | 53. Iohannes. |
| 33. Marcus | 54. Fælix 4. |
| 34. Iulius | 55. Bonifacius. 2. |
| 35. Liberius | 56. Iohannes. 2. |
| 36. Fælix 2. | 57. Agapetus. |

Silue-

- | | | | |
|-----|-----------------|-----|----------------|
| 58. | Siluerius alias | 75. | Martinus |
| | Liberius. | 76. | Eugenius. |
| 59. | Vigilius. | 77. | Vitalianus. |
| 60. | Pelagius | 78. | Adeodatus. |
| 61. | Iohannes. 3. | 79. | Donus. |
| 62. | Benedictus. | 80. | Agatho. |
| 63. | Pelagius | 81. | Leo. 2. |
| 64. | Gregorius | 82. | Benedictus. 2. |
| 65. | Sabinianus. | 83. | Iohannes. 5. |
| 66. | Bonifacius. 3. | 84. | Canon. |
| 67. | Bonifacius. 4. | 85. | Sergius. 4. |
| 68. | Deusdedit. | 86. | Leo. 3. |
| 69. | Bonifacius. 5. | 87. | Iohannes. 6. |
| 70. | Honorius. | 88. | Iohannes. 7. |
| 71. | Seuerinus. | 89. | Zozimus, Si- |
| 72. | Bonifacius. 6. | | sinus. |
| 73. | Iohannes. 4. | 90. | Constantinus |
| 74. | Theodorus. | 91. | Gregorius. 2. |

Diser hat auß Apostolischem ge-
 walt Bonifacium ins Teütschland zu
 predigen/Bischoff vnnnd Priester zu
 bestellen gesandt wölcher V Vilibal-
 dum zum Priester geweiht vnd zum
 Bischoff

Von der Ordentlichen
Bischoff gen Eichstedt verordnet/
Solget derhalbe ihre Succession.

- | | |
|--------------------|--------------------|
| 1. VVilibaldus. | 15. Heribertus. |
| 2. Gerochus. | 16. Golmannus. |
| 3. Aganus. | 17. Gebehardus |
| 4. Adelingus | Comes à Kalvv. |
| 5. Altinus. | 18. Gundecard? |
| 6. Odgerus. | 19. Vdalricus. |
| 7. Godes Calcus. | 20. Eberhardus. |
| 8. Erckenvaldus. | 21. Vldalricus. 2. |
| 9. Vdalfridus. | 22. Gelhardus. 2. |
| 10. Starcandus ist | 23. Burchardus. |
| Martyrisirt wor- | 24. Conradus. |
| den / von den vn- | 25. Egilolphus. |
| glaubigen hunnis | 26. Otho. |
| 11. Febr. An. 968. | 27. Herdouicus |
| 11. Reginoldus. | Graff von Sulz- |
| 12. Megingofus Co- | bach. |
| mes zu Tech- | 28. Fridericus vō |
| mundt. | Haunstatt. |
| 13. Gundecharus. | 29. Henricus von |
| 14. VValtherus. | Lipplingen. |
| | Henri- |

- | | |
|-------------------------|-----------------------------|
| 30. Henricus. 2. | 44. Albertus. |
| 31. Henricus. 3. | 45. Bertholdus |
| 32. Fridericus. 2. | Burggraff zu |
| 33. Henricus. 4. | Nürnberg. |
| 34. Engelhardus; | 46. Rabanus. |
| 35. Hildebran- | 47. Fridericus. 4. |
| dus à Mern. | 48. Iohannes. 2. |
| 36. Reynboto. | 49. Albertus à |
| 37. Conradus. 2. | Rechberg. |
| 38. Iohannes à | 50. Iohannes. 3. |
| Dirpheim. | von Aich. |
| 39. Philippus à | 51. Guilielmus |
| Rodisanhausen | von Reichenaw. |
| D. Theologiae. | 52. Gabriel. |
| 40. Marquardus | 53. Chrysoftom ² |
| à Hageh. | von Bappêhaim. |
| 41. Gebehardus, | 54. Mauritius |
| Graff von Graiß- | von Hutten. |
| bach. | 55. Eberhardus |
| 42. Fridericus. 3. | von Hienhaim. ¹ |
| Landgraff von | 56. Martinus von |
| Leichenberg. | Schamberg. |
| 43. Henricus. 5. | |

Auß

Von der Sidenlichen success. vnd berüf. 2.

Auß dises jekunde Regierenden
Bischoffs Apostolischen gewalt / ist
obgemelter M. Caspar Franck / 2c.
zum Priesterlichen standt durch das
gebett / fasten vñ auflegung der händ
der Priesterschaft / ordinirt offent-
lich geweiht vnd berüffen worden.

Erinnerung.

Alle Cas-
tholische
Priester
können
iren be-
rüf be-
weisen.

Ven auff die weis / Christli-
cher lieber Leser / kan ain jed-
licher Catholischer Priester
seine ordenliche Vocation durch die
Apostolische vñnd Bischofliche Suc-
cession beweisen / vnd wölche erstlich
von Christo die gnad vnd gewalt zu
Predigen / vnd die Sacramenta auf-
zuspunden empfangen / vñ nachmals
wie es vonn ainem auff den andern
kommen / herfürbringen / Denn es ist
ain gewis vnifelbar zeichen der recht-
schaffenen Apostolischen Bischoff vñ
Pries

Von der Apostolischẽ succes. vñ beruff, 32
Priester/ seinen beruff vnd habenden
beuelch / also von Gott dem Herrn
selbst bis auff sich erzele vnd bewey-
sen können/ Wie wöllen aber darge-
gen die Schwermer vnd Secten ihre
Ordination vñ Apostolische vorfarn
dardhün können / weil sie von jnen vñ
der H. Christlichen Kirchen außgan-
gen / vnd von irer weltlichen Obzig-
keit oder Superintendenten wölche
selbst pur laute Layen sein/ vnd kein
macht/ gewalt noch beuelch züpredi-
gen vnd das Sacrament auß zütallē
haben/ auffgestellt vnd angenommen
werden?

Daher zü jhnen auß dem vralten
lehrer Optato, wölcher die Ordnenli-
che Apostolische linien von S. Peter
bis auff Syricium erzelet/wol kan ge-
sagt werden/ Ir Ketzger gebet rechen-
schafft von dem vrsprung ewer Cathe-
dra, weil ihr wolt die Hailigen Kir-
chen Christi sein?

Opta.
lib. 2.
Contra
Dona.

38

Von der Apostolischen

Ist es nun nicht höchlich zuerbarmen / vnd bitterlich zu bewainen / das
Also nēt sich Schmidel. solche vnberüffne vngesaltzene vnnnd
vngeschmaltzene genennte Predi-
ger auff stehen / vnnnd sich der Kir-
chen dienst vnderstehen: vnnnd ain
Lay dem andern ain stücklein Brode
vñ crüncklein Wein für den leib Chri-
sti außspenden: Hans Mathesius in
Am sons tag Quali- modo geniti. seiner Postill bekennet außdruckens-
lich vnnnd vnuerhollich / wie er von der
Layschen Communion zum Pfarzer
berüffen / da er schreibt / Ich bin ewer
Pfarzer vnnnd der Obrigkeit Knaps-
schaft vñ der gemain hie her berüffen.
2. Sons tag nach Trini- tatis. Item zu vnser zeit hat Gott auch
seine diener außgesandt / wie ich auff
ewer aigne erforderung kōmen bin.
Ihr Succes- sion ist in Burger- schafft
Wer hat aber disen vnnnd der glei-
chen Layen vnd Communen macht
vnnnd beuelch geben Pfarzer auff zu-
stellen: Wo stehet geschriben das die
Schaffnern selbst Hirten erwölen
sol-

len? Derhalben weil es ihnen an der
 ordenlichen Succession mangelt/ist es
 kein wunder das sie derselbigen so
 Spinne feind / vnnnd sie mit vnwar-
 haic vnd vngrunde zünerwerffen vn-
 derstehen.

Was auß Gott ist / dz bleibet vnbe-
 steht ewig / ob sich gleich alle Tyran-
 nē Kerzer vn vnglaubige darwid auff-
 geleet. Also wirt noch solche Apосто-
 lische linien we bleibē / bis an Jüng-
 sten tag / vnd (wie züvor) alle so sich
 darwider aufflainen / für Secren vn
 rotten erkandt werden / Dann Chri-
 stus nit vergebenlich gesprochen / Pe-
 tre ich hab für dich gebetten / damit
 dein Glaub nicht abneme. Ich will
 bey euch bleichen bis in ewigkeit / ich
 bit nicht allain für die / sonder für al-
 le / die durch jr wort an mich glauben.

Wer euch höret / der höret mich /
 wer euch veracht der verachtet mich /
 wölche verhaiffungen die Christliche
 ¶ versams

oder Rat
 2. Pres
 dicants

Luc. 22
 Christus
 bleibt
 allzeit
 bey seinē
 Christen
 Ioha. 14
 Ioha. 17
 Luc. 10.

Von der Ordenlichen

versamblung / vnnnd ihre verordnete
Seelsorger antreffen / Dann ob wol
Christus vnnnd die Apostel in aigner
person sichtbarlich bey vnns nicht sein
können / müß doch allzeit die Christen
hait rechte lehrer vnnnd Prediger ha-
ben / wölche nachinander folgen / vñ
ainer in des andern fußstafel trette /
das also die raine bekandnuß des H.
Euangelij vonn ainer handt zü der
andern gebracht / beständig gelert vñ
aufgebräitet werde.

Ob sich die vral-
ten Chris-
ten auff
die succ-
cession
berüffen

Do wölcher vrsach wegē wir nit die
ersten sein / so vns auff dise ordenliche
Succession berüffen / sondern es ha-
bens die vralten erleüchte Apostoli-
sche Marterer / lehrer / vnd fürsteher
der Kirchen / zür zeit der jertumb vñ
Ketzereyen auch gethon / wie ihre hin-
derlassene schrifften / vnwidersprech-
lich bezeügen / wölliche wir darvon
selbst anhören wöllen.

Irenæus des H. Policarpi schüler /
so

so vnder dē Kayser Seuero getödt/
schreibt also.

Die ware erkandnuß ist / die lehrt
der Apostel / vnd der alte stand der
Kirchen/inn der ganzen Welt/ nach
der Succession der Bischoff / wölche
die Kirchen gelehrt haben/ so an allen
orten sein/wie dann solliches auff vns
bracht worden.

Irenæus
lib. 4.
Cap. 63.
& 43.

Vnd an ainem andern ort will er/
das allain denen Bischoffen/ soll ge-
horsam erzaygt werden / die ihre Suc-
cession haben von den Aposteln/ vnd
die gewisse salbung der warhait von
ihnen entpfangen. Die andern aber
so sich vonn ihr absündern / sie sein an
wölchem orth sie wöllen / sollen ver-
dächtig gehalten werden.

Also
sind die
Luth.
Cal. nie
in der A-
postel
succes-
sion.

Er erzelt auch ainmal ordenlich
alle Bischoff / von S. Petro an/ bis
auff Eleutherium (wölches text auch
Eusebius in seiner Kirchen Historien
gedenckt) vnd spricht/das zu der Rō-

Irenæus
li. 3. ca. 3.

Ⓔ 4 mischen

Von der Ordenlichen

cc mischen Kirchen / von wegen der größ-
cc sern hochait / sich alle Christen in der
ganzen welt müssen bekennen / vnd mit
ir vber ein kommen.

Lib. 4.

Cap. 45.

Desgleichen schreibt er auch an
derstwo / wie will man solche (verste-
he rechtschaffne Prediger des wort
Gottes) finden? Paulus / da er also
Eph. 4. lehrt / zaigets vns fein an. Erstlich
hat Got in seine Kirchen gesetzt Apo-
stel / Zum andern Propheten / Zum
dritten lehrer / wo derhalben die gas-

NOTA

Wo die
Euange-
lische
warhait
soll ges-
lernet
werden.

ben / des Herzen gesetzt sein / vnd bey
wöllicher der Kirchen ordenliche Suc-
cession von den Aposteln her ist / da-
müß die warhait gelehret werden.

Da ist nun außdrucklich genüg zu-
sehē / wie diser H. Marterer / zu seiner
zeit / auff die ordenliche Succession ge-
drungē / wölche doch jezundt von den
widersachern / also verspot / vnd ver-
hōndt / das sie dieselbige / für des Anti-
christi hauff fälschlich außschreyen.

Last

Last vns aber züm vberfluß auch andere hören/ was sie darvon halten/ ob sie nach den ordenlichen nachköm- ling Sant Petri gefragt.

Tertulianus schreibt also von den De præ- Ketzern/ so zügleich mit im gelebet/ scrip. ich aduer- beger/ damit sie mir weysen/ auß wöl- sus, Hæ- ches Authoritet/ oder ansehen sie her- ret. für kōmen / sie sagē den vrsprung ierer Kirchen/ sie besehen die ordnung jhzer Bischoff / so durch ordenliche Succes- sion vō anfang herlauffet/ damit der erste Bischoff/ ainer auß dē Aposteln oder Apostolischen Mānern/ die mit Wo ist den Aposteln beständiglich bliben/ Luthers jr anfänger vnd vorgeher sey: ordenlis che succes- tion, wer hat in ges sandte Respo- de. de. de. also pflegen die Apostolischen Kirchē zūthün/ gleich wie vom Joanne/ Pol- licarpus der Kirchen inn Smyrna für- gesägt/ von S. Petro der Rōmischē/ Clemens/ vnd so fort an: So weysen die Secten mir auch ain wurzel des Apostolischen samens bey jnen/ jr Ke-

Vom der Ordenlichen

ger erdiechtet etwas dergleichen / Dieser berufft sich auch auf die ordenliche nachkömmling der Apostel / vnd begeret zu wissen von den Ketzer / wer sie zu lehrē gesandt / wes ordenliche nachkömmling sie sein.

Lib. 4. S. Cyprianus sagt: Du solt wissen
Epist. 9. das der Bischoff in der Kirchen / vnd
Was die Kirch in dem Bischof sey / vnd das
seind für die / so es mit dem ordenliche Bischoff
ordenliche nicht halten / in der Kirchen nit sein / vnd
chelehrer vmb sonst sich der Kirchen rühmen / so
bey den mit den Priestern Gottes nit ainig-
Luthes kait halten / weil ain ainige Kirch ist /
rischen / die nit zerrissen noch zerthailt / sonder
wiefolge vberal verbunden / vñ durch dz band
sic auff der Priester / so auff ainander folgen /
ainander verainiget.

S. Hieronymus sibet auch auff dē ordenlichen nachkömmling S. Petri / da er schreibt zu Damaso dem Bapst zu Rom: den Vitalem kenn ich nit / den Meletium verwirffe ich / den Paulinum

num neme ich nit an / wer mit dir nit
samblet / der zerstreuet / wer Christi
nit ist / der helt es mit dem Antichrist.

S. Augustinus / ist eben der may-
nung / vnd spricht / das ihn zu der Röm-
mischen Kirchen bring / vnd darinnen
behalt / die ordenliche Succession der
Priester / von S. Petro an / wölchem
Christus seine Schäflein zu waydnen
benolhen.

Augu-
stinus
contra
Epist.
Fund.
Cap. 5.

Er erzelt auch von S. Petro / bis
auff S. Anastasiū / der der 39. Papst
war / die ordenliche Succession vñ be-
schleüß / dz kein Donatista vnder de-
nen gewesen / vñ das dise ordnung auf
Gott / nit auff die Menschē erbawet /
vñnd deshalben / durch kein unge-
stümme der Gottflästerischen zertren-
nung / könne zerstört werden.

Ad Ge-
ner. Epi.
165.
Also ist
kainer
Luther-
isch od
Caluis-
nisch in
der suc-
cession
gewest.

Da besehe nun der Christlich leser /
wie dise oberzelte H. Väter / auff die
Succession dringen / vnd längst zu vor
geweissaget / wie durch zertrennung /

¶ iiii vnd

Von der Ordenlichen

vñ der Ketzger absünderung / sie allzeit
bleiben soll / weñ sich gleich die wider-
sacher zerrißen / oder toll vnd thöricht
darüber würdē. Dan wir noch (Gor-
lob) von S. Petro dem erstē Bapst /
biß auff Pium Quintum, vñnd andere
Bischoff wölche diser zeit / der H. Kir-
chen vorstehen / die ordenliche succes-
sion herfür können bringen / vñd vns
vil mehr jr zürhümen haben / weil sie
nit drey / vier / oder fünff hundert / son-
der vber die 1500. Jar gewert / vñnd
bestandē / vñ darunder kein Luther /
kein Calvinist / kein Illyricaner ges-
funden worden / dise Secten auch vns
berüffen von der Kirchen außgangen /
vñd sich abgesündert: Dann weren sie
von jr gewest / so weren sie bey jhr bli-
ben.

Dieweil den der H. Irenæus wider
den Ketzger Valentinum, Tertulianus
wider Marcionem, Cyprianus wider
die Nouatianer, Hieronymus wider
die

die Luciferaner, Augustinus wider
 Donatistē vñ Manichæer/ so offte der
 succession vñ ordenliches beruffs ge-
 gebrauchen/ vnd für ain gewiß vnbe-
 trieglich zeichen der waren Bischof/
 Lehrer/Prediger/vnd Priester Gots
 halten/vñ anziehen: warum wol-
 ten wir ire Kinder vñ nachkommen vns
 sollicher schämen / vñ sie nit wider die
 newauffgestanden rotten / vñ falsche
 Propheten / gebrauchten: haben wir
 doch eben jren beruff/bekandnuß vñ
 glauben / wie solches augenscheinlich
 dargethon vnd bewisen kan werden.
 Weil noch inn Gracia, Asia, Achaia,
 vnd andern orten vñ enden/ da die
 Apostel gelehrt vñ geprediget/ die
 succession standthafftig/vnd vnuer-
 ruckt in dem beruff/amt vnd bekant-
 nuß blibe / da stunde es noch wol / da
 aber oftermals die nachfolger abtrien-
 len/vñd newe lehren/wölche sie nicht
 von jren vorfarn erstlich entpfangen

Merk
 was vns
 zübesors
 gen sey.

¶ v her

Von der Eidenlichen

Cypria.
lib. 1.
Epist. 3.
Hier. ad
Ruffinū

herfürbrachten / gienge es alles zu
grunde vnd boden / dargegen zu dem
Römischen sitz vnd denē so sich zu ihm
gehalten / wie S. Cyprianus bezeüget /
hat noch kein falsche lehr vnd abfall
ainen zütrit gehabt / Daher auch der
H. Hieronymus Fidem Romanam de
Römischen glauben / den Catholische
nennet / vnd das sie vnuerfälscht der
Väter tradition behalte / außdruck-
lich bezeüget.

Es muß auch Caluinus gedrungē
vnd gezwungen bekennen / dz die Rō-
mische kirch / ob gleich die Asiatische
vñ Africanische oftmals vnruh an-
gericht / die empfangne ler vñ glaubē /
steiff vñ fest behalten / vñ dassich des-
halben die vertribne Catholische Bi-
schof / zu jr in der verfolgung begebē.

Derhalben sollen alle Christglau-
bige billich verwerffen vñ verflüchē /
alle die / so sich vnberüffen eindringen /
oder vō pur lautern Layen die Prie-
ster

sterlichen ämpter zuverrichten aufge-
 stellet werden / den es bey solchē nach
 dem Exempel des Gottflästerischen
 Königs Jeroboam zugehet / wölcher
 im selbst nicht auß dem stam̄ Leui / so
 in rechter Vocation waren / sondern 3. Re. 12
 die euffersten des Volcks / außklaubet
 vñ zu Priester machet / von wölchē die
 H. schrift bezeüget / das sie von Gott
 nicht gesandt / blinden füerer / stumme
 hund / Dieb vnd Mörder sein / so das
 hailigthumb veronrainigen vnd nie
 durch die rechte thür / vnd ordenlichē
 gewalt der succession, in den Schaf-
 stall Christi eingehn / wie sie dann der
 H. erleucht lehrer Augustinus woll August.
 beschreibet / vñ als Pestilenzische leh- in Qua-
 rer verdammet / sie verkören (spricht stio. ver.
 er) die ordnung / von Petro dem H. et no. te.
 Apostel selbst angefangen / wölche vñ que. 119
 dem stam̄ der nachfolgendē Bischoff
 bis auff vns gebracht / vñnd gehalten
 worden / vnd vnderstehen sich ain ord-
 nung

Von der Ordenlichen

nung zū machen one anfang vnd vrsprung/ Das ist/ das sie ainen leib one haupt haben / daher sich wol reymet dz man jr ampt ain sitz der Pestilentz neñe / sie werden auch nit vngestrafte bleiben/ob sie gleich vnder dem schein des Götlichen namens/ solches handlen / wie sie dann zūthün pflegen/ dan sie thün solches nit auß ainem eyffer gegen Gott/sondern das sie mögen jr ampt vnd ort beschützen / so wir doch wol wissen das Core vñ die 250. männer/da sie auß vermessenhait Gott geopffert/vmbkommen sein.

s. Aug. Wie hett S. Augustinus besser vñ
beschreibt außtrucklicher vnserer schwermer/ vñ
die sch
wermer
ische pres
dicantē. selbst auffgeworffene Predicantē kōn-
nen beschreiben/vnd abmalen: haben
sie nicht auch die succession vnd ord-
nung der Bischoff/von S. Petro bis
auff vns zerstört/zerrissen/vñ sich dar-
non abgesündert: Sie haben je kein
sichtbar haupt irer vnainigē zertren-
ten

ten versammlung: vnd vnderstehen
sich doch durch den namen des worts
Gotes/vñ verfälschung des H. Euā-
gelij/solche verflüchte vnorndnig/zwy-
spalt / vñnd vnordenlichen beruff zū-
uertädigen / Freylich lässt solliches
Gott nit vngestraft. Dañ das so vil
sectē/vngehorsam/schwermerey/vn-
ainigkeit/krieg vnd blüt vergiessung
entstanden / dz die menschen im glau-
ben zweyffelhaftig / des worts Got-
tes/vnd gewiechter Priester beraubt
werden / hat alles seinē vrsprung von
der zertrennung vñnd absünderung
von dem sitz Petri/vñ den ordenliche
beruffnen Bischoffen vnd predigern.

Weil wir dañ all zusehr erfarn/wz
für vnrat durch solche zentische Pre-
dicanten vnder dem schein des Euan-
gelij eingerissen/vñnd wir in der Rō-
mischen kirchē noch heütigs tags/ebē
den glauben behalten / der auff vns
kōmen / vnd wölchen S. Paulus rü-
met/

Von der Ordentlichen

met / das er in der ganzen Welt verkündiget werde: Sollen wir darbey beständig bleiben vnd verharren/vnser ordenliche Bischoff/so beuelch haben Priester zuweihen vnd ordinirn/annemmen/vnnd mit dem H. Augustino bekennen/weil wir sehen vnd erfahren/solche grosse hülf Gottes/ vnd zünemung der lehr / sollen wir vns in die schoß der kirchen begeben/ wölche ist vom Apostolischen sitz / durch die succession der Bischoff/vnnd wölche alzeit das ansehen/vnd forzüg behalten/ob gleich die Ketzer darümbere gepellet / vnnd doch züm tail durch der Völcker allgemain vrcail / züm thail durch ansehē der Concilien / züm tail durch die Mayestät 8 wunderwerck/ sindt verdampft vnnd verbandt worden/ Hæc Augustinus.

August.
de vtili-
tate cre-
dendi.
Cap. 17.
& 49.

Auff dise weiß werden wir vnserer Bischoff/Lehrer/Prediger/vnd forsteher berüff vnnd Vocation gewiß sein/

sein/ vnd an irem glauben Confesion
vnd administration der H. Sacra-
ment nit zweyflen dörfen / weil Chris-
tus in die höhe gefaren / vnd durch
ordenliche mittel/ etliche geben zu A. Ephe, 4.
postel/ etliche aber zu Propheten/ et-
liche zu Euangelisten/ etliche zu Hir-
ten vnd Lehrer/ zu erfüllung der hats-
ligen/ vñ zu dem werck des ampts/
zu erbarung seines Leibs /
wölchem sey Lob Ehr vñ
preiß von Ewigkeit
zu Ewigkeit/
Amen.

Saluo per omnia Iudicio
S. S. sedis Apostolicæ.

Visus & approbatus est iste Libel-
lus, dignusq; editione & lectione
iudicatus à Decano Collegij Theolo-
gici, in Catholico Gymnasio Ingol-
stadiensi.

A
ver.
20